

**PEMBERITAHUAN PERTANYAAN BUKAN LISAN
MESYUARAT KEDUA, PENGGAL KETIGA,
PARLIMEN KEEMPAT BELAS
DEWAN RAKYAT**

PERTANYAAN : BUKAN LISAN

**DARIPADA : YB TUAN CHAN FOONG HIN
[KOTA KINABALU]**

SOALAN

Minta **PERDANA MENTERI** menyatakan isu Uighur, China jumlah pelarian Uighur yang masuk Malaysia setiap tahun dari 2010 hingga 2020, jumlah yang diberi status pelarian oleh UNHCR dan jumlah yang dibagi status pemastautin tetap Malaysia.

JAWAPAN

**YB DATUK SERI MOHD REDZUAN BIN MD. YUSOF,
MENTERI DI JABATAN PERDANA MENTERI (TUGAS-TUGAS KHAS)**

1. Malaysia mengamalkan Dasar Luar Negara yang sentiasa memperjuangkan hak untuk setiap negara supaya menyelesaikan masalah dalamannya tanpa campur tangan dari pihak luar. Isu penindasan umat Islam di seluruh dunia termasuk ke atas etnik Uighur di wilayah Xinjiang, China adalah wujud dan perlu diakui oleh semua pihak. Namun, dalam hal pelarian Uighur, kerajaan berpendirian untuk tidak campur tangan di dalam hal ehwal dalaman Republik Rakyat China.

2. Justeru, sekiranya terdapat pelarian Uighur yang melarikan diri ke Malaysia untuk mendapatkan perlindungan, Malaysia telah menetapkan supaya tidak akan mengekstradisi pelarian Uighur walaupun terdapat permohonan daripada Republik Rakyat China. Mereka dibenarkan untuk pergi ke negara ketiga atas sebab kerana mereka mempunyai ketakutan berasas ke atas keselamatan dirinya atau berkemungkinan berlaku penganiayaan terhadapnya, yang mana pada pertimbangan dirinya tidak akan mendapat perlindungan yang adil di negara asalnya.

3. Oleh itu, berdasarkan kepada dasar ini, kerajaan tidak mempunyai sebarang maklumat mengenai pelarian Uighur yang diberikan status pelarian oleh UNHCR dan kerajaan juga tidak memberikan status Pemastautin Tetap kepada mana – mana pelarian.

Sekian, terima kasih.